

آبونه شرائطی

ممالک عثمانیه ده سنه لکي (۶۵) ، التي
آيلقي (۳۵) غروشدور .
ممالک اجنبیه ده سنه لکي (۱۷) ، التي
آيلقي (۹) فرانقندر .

اراره خانه

باب عالی چاده سنده ورخان بک خاندنه
نومرو ۲۳-۲۶

اخطارات

آبونه بدلی پشیدور .

§

مسالکه موافق آثار مع المنونیه قبول
اولنور . درج ایدیلمه یین یازیلر
اعاده اولوغاز .

اخطارات

رساله مردن آلدینی کوسترملک شرطیه
بتون یازیلر هر هانکی برغزته طرفندن
اقتباس اولونه یییر .

§

مکتوبلرک ، امضالرک واضح و
اوقوناقلی اولمسی و آبونه صره
نومروسی محتوی پولونکسی لازمدر .

§

ممالک اجنبیه ایچون آبونه اولانلرک
آدرسارینک فراموش نه یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

الکشاف

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتلق بمجموعة اسلاميه در
آبعون اهدكم سبيل الرشاد

صاحب ومدير مسئول : ح . اشرف اريب

عدد ۴۹ - ۲۳۱ ۷ ربيع الاول ۱۳۳۱ بحسبه ۳۱ كانون ثاني ۱۳۲۸ جلد ۲ - ۹

« نه بيكس خانانلر ايشته ، يانغين ويرديلر ، ياندى !
« شو كولنمش ييغينلر هپ برر انسان ، برر جاندى !

واويلاسنى تكرار ايدركن صانكه روم ايلينك ، بومعصوم اسلام
ديارينك اوغرا ديني خونين منظره لر جماعت موحدنيك پيش انظار انباهنده
تجسم ايتمشدى . جماعت آره سندن ايشيديلن درين درين هيچقرقلر توالى
ايدركن حضرت :

« صباح الخير حريت ، السهى ، ليل كون اولدى !
« قارا كلق برهزيت هر طرفدن رونمون اولدى !
« شهامت كيتدى ؛ غيرت سوندى ؛ قدرتلر زبون اولدى .
« اوموجاموج سنجاقلر نه مدهش سرنكون اولدى !
« سقوطك دهشتندن قلب رحمت ، بلكه ، خون اولدى !

نوحاتيله حقيقتي بوتون چيلاقلى ايله تصوير ايدىوردى . جماعت آراق
شهقات روحيه لرني ضبط ايدمه ديلر . روحلر ايكلكر ، قلسلر تيتير ، كوزلر
حزنلى ياشلر دوكركن حضرت عاكف :

« اذانلر صوصدى ... چانلر يكله دوب طور مقده آفاق !
« يازيق : شرقك سانسندن هلاك كچدى اشراق !
« زمان آرتيق صلييك دور استيلاسى ، الحاق .
« فقط ، يرلرده قالمش حقلرك فرداى احقاق ،
« نه طوغماز كونمش ، اى عاجزلرك قدرتلى خلاق !

قطعه سنى اوقىوردى . هر كس ناسوتيتندن تجرد ايتمش ، معبدك
حريم لاهوتيسنده مجروح ومقهور بوضع ندامتله شاعر محترمله يكر بان اوله رق :

« السهى ، شرع معصومك شوطور اقلردى صوك يوردى ...
« ناصيل تايد قهرك اك رذيل اقوامه اوردوردى ؟
« اوت ، ملتلك اك قجه سندن ، اوچ لثيم : اردو
« كلوب تاسينه مژدن اوردى ، سيرايت هم ، ناصيل اوردى :
« كه استقبال ايچون چاربان يوركار اك سزين طوردى .

قطعه سنى تكرار ايدىوردلردى .

شيمدى شاعره برابر بوتون قلوب جماعت غليانه كلش ؛ صانكه كوزلرنده : قانلى
ياشلر ، اللرنده : جسدلر يارچه لائمش مظلوم اسلاملر ، قانلر ده شيلمش

خُطْبَةُ رَوْعَاءُ

ابن حنبل موعظه

استاد محترم محمد عاكف بك افندى طرفندن

فاتح جامع شريفنده

بِسْمِ اللَّهِ الرَّحْمَنِ الرَّحِيمِ

« وان ليس للانسان الا ماسعى ... »

[كانون ثابنيك يكرى بشنجي جمعه كوني ، فاتح جامع شريف لبالب طولمشدى .
غازى متعاقب هر كس بر تهالكه كرسي يه صوقولغه باشلادى . بيكلرجه جماعت
بروجد متحسرانه ايله فاضل محترم كرسي يه چيقمسنه انتظار ايدىوردلردى .
حضرت برمدت صوكره كرسي ده كوروندى . بوتون سيمالر اوجهته توجه
ايتدى .

استاد ، (قل اللهم مالك الملك ...) آيت جليله سنى اوقودندن صوكره
پارلاق وسليس بر لسانله ترجمه بيورديلر . متعاقب آيت جليله نك ترجمه سنه
عائد سبيل الرشادك ۲۲۶ نجى نسخه سنده مندرج شعر كزنى ترتيبله باشلاديلر .
فاتحك سقف لاهوتيسى آلتنده ، اديب محترمك لسان وقارندن وجدان امته
ساخ اولان بوشعر حزين اوچ بيكي متجاوز موحدينه صميمي كوز ياشلر
دوكيدردى . بومنظره علوى قارشوسنده حضرت فاضل بر استغراق سماوى
ايله جوشدى . بر زمان كلدى كه خروشان بر قلبك نوحات حزينه معكس
اولان فاتحك عصر ديده قبلر بيله كورله مكه باشلادى . او آنده هر درلو
علائق سفليه دن تجرد ايتمش اولان بيكلرجه قلب قبلر ده ، ديوارلرده منعكس
فرياد ايله هم آهنگ اوله رق :

« السهى آلتوز بيك مسلمان بردن بوغازلاندى .. »

« يانان جان ، يرتيلان عصمت ، آقان سالر بوتون قاندى ! »

« نه معصوم اختيارلر سونكولر آلتنده قيوراندى ! »

بچاره قادیلر، ایکی به بولونمش معصوم چوققلر اولدینی حالدده بارگاه اقدسه کلشیر، هپ بردن باغیرییور، فریاد ایدیورلردی :

« تجلی ایتدک برکده ، اللهم ، جمالکده »

« شو اوچ یوزاللی ملیون روحی اولدوردک جلالکده !

« اوطورمش اکلده نرلرکن سنک - حاشا - زوالکده ،

« نه در الحادی امهالک اوصامت انفعالکده ؟

« نه در اسلامی تنکیلک بومستعجل نکالکده ؟

شیمدی برسکوت عمیق ... جماعت، مجلسک روحانی ، شعرك فسونکار تأثیری آلتنده برطور استغراق آلمشردی . برقاچ دقیقه صوکر حضرت شاعرك ، جماعتله برابر بارگاه اقدسه عرض ایتدیکی فریاد تظلم کارانه سنه ساوی برصددا شوجوانی ویردی :

« صوص ای دیوانه ! طورماز کاشاتک سیر معتادی .

« نه صاندک ؟ فطرتک احکامی هیچ دیکاری فریادی ؟

« بوکون سن کندی کندیکن امید ایت آنجق امدادی .

« اوت ، سن کندی اقدامکده قالدیر کیت ده بیدادی .

« جهان قانون سعیک ، باق ، ناصیل برحسله منقادی !

« نه یاپدک ؟ (لیس للانسان الاماسی) واردی !

حضرت ، معروض قالدیغمز فلاکتلرک ، اوغرادیغمز مصیبتلرک سبب حقیقیسنی تصویر ایدن بو قطعه ی ، جزیل ، اویاندیریچی برطور ایله ترتیل ایدرکن بوتون جماعت باشلرخی اوکلرینه اکش ، بروضه استجیا کارانه ایله تفکره طالمشلردی .

حضرت ، قطعه یی اکمال ایدر ایتز ، آیت جلیله نیک جلالت معناسی حضورنده برار تعاش خضوعکارانه ایله تتره دی ، خفیف ولرزه دار برسسله :

« اوت ، وان لیس للانسان الاماسی ... واردی ! »
حقیقتی تکرار ایتدکن صوکر ابروجه آتی وعظه باشلادیلر . اشرف ادیب [

« لیس للانسان الاماسی ... »

انسان ایچون نه بودنیاده ، نه اوته کی دنیا ده کندی محصول سعیندن ، کندی قازانچندن باشقه برشی یوق . انسان نه اکرسه اونی بیچور . اکه دن بیچمک اولیور . ایشته بو ، فطرتک برقانونی ، الهک برقانونی ، هم ده لسان قرآن ایله تبلیغ ایدیلش برقانونی در .

دیمک ، اودمینکی فریادلرک هپسی بیوده ایمش ! اویله یا ، کیمه دیوره جقسک ؟ « یر پک ، کوک یوکسک ! » عاجزک فغانه قارش ی بوتون کاشات حسسز ، بوتون موجودات دیغوسز ! یا سن نه ایسته - یوردک ؟ باقسه ک آهم عجز کدن دم اوریورسک ؟ هم ، قوجه کاشاتی کیفکه رام ایتمک امیدینه دوشیورسک !

عالم ، فضا دیدیکمز شواوچی بوجاغی اولمایان بوشلق ایچنده دونوب طورییور ؛ الله ذوالجلالک ازلده چیزمش اولدینی خط حرکتی تعقیب ایدوب کیدیور . هیچ برذرده کندی سیرندن ، فعالیتندن کری طورمیور . یریور یور ؛ کوک یوریور ؛ طاغ یوریور ؛ طاش یوریور . هیچ بری عاقل دکل ، هپسی چالیشیور ، هرشی چالیشیور .. شو جامد کوردیکمز ، شو جانمز دیدیکمز طویراق یارادیلشندن بری عیجا بر لحظه اولسون بوش قالمش می ؟ هیات ! هر کون ، هر ساعت ، هر ثانیه بیتمز ، توکنمز انقلابلر کچیوریور : بولوطلره صوویریوریور ؛ بولوطلردن صو آلیور ؛

صیرتنده اوتیر ، اکیلر ، آغاجلر یتیشدیریوریور ؛ قارنبده معدنلر بسله یور ، طبقه لر وجوده کتیریوریور . یاطویراقدن طوغان بو مخلوقات طورییور می ؟ اصلا ! اونلرده آنالری کی متصل چالیشیور . متصل بر طورردن دیگر طوره ، بر حالدن باشقه حاله کچیور .

یر ، یعنی بزم دنیا من بویله . یا کوک ؟ او ، بزم دنیا من کی میلیاردلرجه دنیایی کو کسند طاشیان کوک ناصل عیجا ؟ ناصل اوله جق ! اوده طبقی یر کی . اوت ، بزم پک آزیخی کوره نیلدی کمز ، آلت طرفی ده تخمین ایله بولدیغمز نامتناهی عالملرک هپسی یارادلقلری زماندن اعتباراً فعالیتله کیر مشلر ؛ الی ماشاء الله اوفعالیتی محافظه ایدوب کیده جکلر . بز طوتمشده مخلوقاتدن بحث ایدیوریور . خالق یوقی ، خالق ، ایشته اوده کیفیتنی ، صورتنی تصور ایدمه جکمز بر فعالیتله کاشاتی اداره ایدوب طورویور ! « یسته من فی السموات والارض کل یوم هوفی شأن » . الله ذوالجلال هر آن بو کاشاته حیات ویریور ؛ هر آن بر شأن ، بر حادثه وجوده کتیریوریور . خلاق عظیم الشان قیسه ، لکن بزم تخیل ایدمه جکمز قدر قیسه ، بر آن ایچون فعالیتنی یراقسه بوتون موجودات آلت اوست اولور .

جناب حق عالمی یالکیز بر کره یوقدن وار ایتدی . اونک خلقی دائمیدر . اوت ، الله ذوالجلالک ایکی مختلف تجلیسی وار که بری موجوداتی یوق ایتمکده ؛ دیگری ایسه وار ایتمکده . آنجق بوا یکی تجلی سبجانی آره سننده کی زمان مسافه سی بزم عقلمزله اولچوله میه جک قدر قیسه ده اونک ایچون نه اولیور ، نه بیتیور ، فرقدده اولیور .

شمدی ، مادام که یر چالیشیور ؛ کوک چالیشیور ؛ یرلری ، کوکلری یارادان الله عظیم الشان ، اوفعال نایرید اولان الله عظیم الشان یار اتمقدن بر آن فارغ اولیور ؛ سن نصل عاقل باطل اوطوریوریورده حیات اومیور . سک ؟ ایشته بوتون کاشاتی کوردک : هیچ بر یرده ، هیچ بر ذرده سکون وارمی ، عطالت وارمی ؟ اویله ایسه سکا امکسزجه یاشامق ، چالیشمقسزین نائل مرام اولمق حقنی ، بویله بر امید کی ویریوریور ؟ مسلمانلق غالباً ؟ بلکه . اویله یا ، مسلمانلر الهک سوکیلی قوللریدر ! ای اما ایشته کورو یورسک که بوعالمده ، بوعالم فطرتده ، بوعالم طبیعتده هیچ سکون یوق . مسلمانلق ایسه فطرتک دینی در . بلکه فطرتک کندیسیدر . دین اسلام خاتم ادیاندر . بوعتبار ایله اک مکمل دیندر . (فاقم وجهک للدين حنیفا فطرة الله التي فطر الناس علیها لا تبدیل لخلق الله ذلك الدين القيم ولكن اکثر الناس لا یعلمون .) جناب الله قرآنده صراحتاً بزه بیلدیریوریور که : بو دین ، دین فطریدر ؛ دین حقیقیدر ؛ دین طبیعیدر . لکن انسانلرک چوغنی بیلمیورلر ، چوغنی ظافلدلرلرده او پاک دینک ایچنه کندیلرندن بر طاقم فطرته مغایر احکام قاریشدیرمق ایسته یورلر .

هممز بیلوریور ، بدایت ظهورنده اسلام نه حالده ایدی . حجازک برکوشه سننده پارلایان او نور مبین یکر می بش سنه ایچنده دنیالری طوتدی . مثلی کورولمه مش اولان بو سرعتک حکمتی نه ایدی ؟

شبهه‌سز دین حقیقی اولمسی، دین فطری اولمسی. حتی شو حقیقت بو کونکی غرب حکماستک عندنده بیله مسلمان وار. اولورده بویله سو- یله یورلر. مستشرقلر ایچنده برچوق ناموسلی آدملر وار. دیورلرکه: «باقیورز، مسلمانلر هر طرفده عاطل، هر طرفده غافل؛ چا- لیشما یورلر. فقط افریقاده، چینده مسلمانلق آلا بیلدیکنه ایلرله- یور. بزم میسیونرلریز بو قدر چالیشقلری حالده ینه موفق اوله- مایورلر. دوشوندک، طاشیندق، تدقیق ایتدک، نهایت آکلادق که: مسلمانلق غایت فطری بر دین ایمش.»

فقط دیکرلری او یله سوبله میورلر: «مسلمانلق، انسانیت، مدنیت، منافق بر دیندر، دیورلر. شاهد ایسته مز. حقیقت میداند. بوکون یر یوزنده ۳۵۰ میلیون مسلمان وار. بونلر مختلف قطعهلرده کومه کومه اوطور میورلر. هپسی محکوم، هپسی اسیر، هپسی جاهل. اوچ بوچوق انکلیز هندستانده بو قدر میلیون مسلمان تحت اسارتده طوتیور... بو، نه حالدر؟ درت بوچوق فلانک جاواده یکریمی میلیون مسلمان ایستدیک کبی قوللانیور؛ ایچلرندن بری سس چیقارما یور!.. اگر دینکیز خیرلی بر دین اولسه بیدی، حالکیز بویله اولمازدی!..»

عجبا هانکیستک دیدیکی طوغرو؟ معلوم یا بر دینک اهنده، علمینده سوبله مک ایچون اولا اونی تدقیق لازم. یوقسه یالکراودینه منسوب اولانلرک حاله باقق کافی دکل. ارباب انصاف قرآنی، حدیثی تدقیق ایدیور. بو کونکی مسلمانلرک مسلمانلقه علاقه سنی غایت کوشک بولیور. واقعا او یله: مسلمانلق نامنه زده انحق برقاچ دانه شعار دین قالمش. آلت طرفی بیله رک، بیله یه رک قبول اولمش برینین بدعت! ای جماعت مسلمین! بو دین، دین عرفان ایدی؛ حال بوکه بز بوکون ملتک ک جاهلی بز! بو دین، دین شهامت ایدی؛ دین غیرت ایدی؛ بز ایسه شو زمانده ملتک اک مسکینی بز! اگر دین اسلامک روحنده - معاذالله - بوکون کوزوکن فناقلردن برداه سی اواسه بیدی، مسلمانلق بزه قدر کله بیلیرمیدی؟ البت او امانت کبری چوقدن غائب اولور کیدردی. (فطرة الله التي فطر الناس عليها لا تبديل لخلق الله ذلك الدين القيم ولكن اكثر الناس لا يعلمون.) بز مسلمانلر، بن او یله کوریورم، الله ايله یک لابلای بز! ظن ایدیور زکه: جناب حق اوطوردیغمز یردن ایسته ییورمکه خاطر من ایچون قوانین الهیه سنی دیکشدر. زوالی بز! یهوده یره فریاد ایدوب طورویور! ذاتاً الله کوکده، یرده دکل؛ هر یرده حاضر، هر یردن ناظر. (ونحن اقرب الیه من جبل الوریث) بزه شاه داماریمزدن ده یقین.

— یک اعلا. بودعالر ندر؟ هانی بر آزل اول «صلوة تحینا» اوقودق. بونلرک اصلی یوقی؟ تأثیری یوقی؟

های های وار. فقط دوشونملی بز: دعا ندر؟ دعا، الله رجوعدر. یعنی اوامر الهیه، جناب حق کک قرآنیله، کک پیغمبرینک لسانیه، سنیه، تبلیغ ایتدیک اوامر الهیه اقیاد ایتمه مک یوزندن

متضرر اولان انسانلر تکرار الله رجوع ایدرسه، الله ک کوستر دیک یولی طوتارسه دعا مقبول اولور. باشقه درلو قبولسه امکان یوق. (لا تبديل لخلق الله) الله، نیچون اسلامی کوندردی؟ چونکه بشریتک سعادتق مطلوب الهی ای. بوندن اولده برچوق ادیان واردی. فقط اوزمانلر بشریت دها سن طفولیتده ایدی. انسانیت هنوز چوجقدی، سن کاله ایرمه مشدی. بشریت برچوق ادوار، برچوق انقلاب کچیردی. هر دوره کوره دین کوندرمک لازم کلدی. نهایت جناب حق خاتم الادیان اولمق اوزره بو دینی کوندردی که احکامه تابع اولانلر هم دنیا ده حیات طیهیه، هم اخرتده نعیم سرمیدی به مظهر اولسونلر. اوت، الله بو دین مینی بو مقصدله کوندردی. اسلام، سعی دینی در، عمل دینی در، مجاهده دینی در. جناب حق قرآن کریمده زده «اقیموا الصلوة = نماز قیلکیز» بیورمش سه مطلقا آرقه سندن «وآتوا الزکوة = زکات وریکیز!» دیبه ده امر ایتشد. بک اعلا! زکاتی کیم ویرر؟ البت ثروتی اولان. ثروت نه ايله قازانیلر؟ طیبی چالیشمه. او حالده اک بویوک عبادتی یرینه کتیرمک ایچون بیله سی لازم. قرآن کریمک برچوق یرنده بزه اتحاد ايله اتفاق ايله، مجاهده ايله امر بویوریلور. کتاب الله، حدیث هپ بزی اتفاقه، مجاهدهیه، جهاده دعوت ایدیور. بو امرلر ناصل، نه ايله یرینه کله جک؟ شبهه سز هپ سعی ايله. اگر اسلامیتک بدایتنده کیلر، صوکر کیلر کبی، بزلی کبی اولسه لردی؛ او موفقیتلر، او خارقهلر وجود بوله بیلیرمیدی؟ نه ایدی او غیرت، نه ایدی او همتلر؟ هر طرفه کیتدیلر، فوج فوج اصحاب کرام بوتون دنیای دولاشدیلر، اوطور مادیلر، طور مادیلر، چالیشدیلر. اوسایده نلر، نلر یایدیلر!

صوکر، نه اولدی ده بو حاله کلدی عالم اسلام؟ چینده، هندده، مغربده، مشرقده، شمالده، جنوبده، هر یرده کوریورسکیز: مسلمانلر جود ایچنده، رخاوت ایچنده، اویوشوق بر حالده! تعارف یوق، تحاب یوق. بربری طانیمازلر، بربری سومزلر. شو جماعتک ایچندن هیچ بریمز بیلمه زکه: دنیانک نره سنده نه قدر مسلمان وار؟ صوکر او مسلمانلرک عاداتی، اخلاق ندر؛ حتی لسانی ندر؟ یازیقلا اولسون بزه که: بربری طانیق ایسته دیکمز زمان بیله ینه فرنگلره، فرنک کتابلرینه مراجعت مجبوریتده قالیور! بو، نه بویوک ذلتدر؟ اکلاملی! هانی، مسلمانلق براخوت حصوله کتیره جکدی؟ نره ده؟ بوکون مسلمانلر قدر متفرق، متشتت بر ملت وارمی؟ هر طرفده مسلمانلق جهالت، مسلمانلر ایسه سفالت ایچنده محو اولوب کیدیور. ایشته انکله نلرک زیر اداره سنده کی مسلمانلر! هندده یوزلرجه میایون نفوس وار. بر قسمی محوسی، بر قسمی مسلمان. ایکسی ده عینی عرقدن، ایکسی ده عینی محیط ایچنده یاشایورلر. انکله نلر حکومتی نه یاییور بونلر؟ مسلمانلر دیورک: قربان بایرامنده اوکوز کسک. حالبوکه محوسی لرجه اوکوز مقدس بر حیوان. بزم مسلمانلرده انکلیزک فسادینه قاییله رق محوسی لر عناد متصل اوکوز قربان ایدیورلر. محوسی لر بونی کورنجه کویله یرینیورلر!

کاملاً بی‌قلم‌بادی. فقط ینه غفلت کوسترسهك آلت طرفی ده بیقیله جقدر .

— نه یابهیم ؟

یابه جق شی زمان فوت ایتیموب جالیشمق در ؛ اره مزدن نفاق ، شقاقی قالدیرمق ، بربرمنزه صاریلوب ال برلکیله چالیشمق در . یوقسه هیچ بر طرفدن امید معاونت بکله میلم . برزمانلر اوروپادن سفیرلر کلیرلردی ؛ جمعه سلاملغه پادشاهك اوزنکیسنی اویمك شرفنه نائل و لمق ایچون آیلرجه استانبولده دولاشیرلردی . بوکون ایسه انکلتزه خارجیه ناظری مجلس مبعوثانده بزم لهمزه برکله طیه صرف ایده جکمی ؛ یاخود فرالسه باش و کیلی بزه قارشلی اولان خشونتلی بر آزا اولسون تعدیل ایده جکمی دیه درت کوزله باقوب امیدله نیورز ؛ اول نه ایدك ، شیمدی نه یز ، آکلالمالی ؛ فقط بیهوده انتظار ؛ بوکون جهان ، قوتدن ، ثروتدن باشقه برشیته بویون اکر . اولنلرک نظرندک حقلی ؛ الکندرکین در ، الکقوی در . عاجزک فریادینی کیسه دیکله من . حقنه قانع دکل که فریادینی دیکله سین !

حتی مصر مفتیسی مرحوم شیخ محمد عبده حکایه ایدیور : بر آره لق انکلتزه کیتمش . انکلیز حکما سندن مشهور اسپه نسر مصردن مسلمانلرک بویوک بر آدمی کلدیکنی خبر آلمش . کیدوب کورمک ایسته مش . لکن کنیدیسی خسته ایمن . اونک ایچون شیخی چاغیرمش . شیخ محمد عبده ده قالقوب کیتمش . سپه نسر ، عبده چوق التفات ایتمش . براز کوروشدکدن صوکر صومر مش :

— بزم غربی فصل بولدک ؟

عبده دیمش که : — افندم ، غربی بکا صورمایکز . اونی بن سزدن اوکرتمک ایسترم . سزده بکا شرقی صورارسه کز اکلایتم .

او وقت سپه نسر کال تأثرله شوسوزلری سویله مش : « بوراده انسانیت مع الاسف هیچ قالمادی . بشریت ، بشریت متمدنه حسدن ، انصافدن بوسبوتون تجرد ایتدی . بن-نک حقیکی غصب ایدیورم ، چونکه قوییم ؛ سن ازیلوب کیدیورسین ، چونکه قوی دکلسک .. آتی بی پک فنا کوریورم . بز بویله ایسته مدکدی . فقط بویله اولیور . » اوروپا مدنیتی برمدنیت فاضله ، برمدنیت حقیقیه انسانیه دکل . فقط نه یاییلیر ؛ اوکنه دوروله ماز . ماکنه کسپیلمش حریرلر ؛ اوغراشیورلر ، چابالایورلر ، مادی نامتناهی ترقیاته مظهر اولیورلر . صوکراده کلوب بزلی ازیورلر ، پارچه لایورلر .

بیک نصیحتدن برمصیبت ده مؤثردر ، دیرلر . هسایدی ویریلن نصیحتلری دیکله مدک .. لکن اوغرا دیغمز مصیبتلر بیکی بیله کچدی . اونک ایچون باری بوندن بویله اولسون ضرریمزی تلافیه چالیشم . اوت چالیشم . فقط ناصل چالیشم ؛ بو ، غایت مهم رمسته در . بوندن یوز سنه قدر اول عینی فلاکت برملتک باشنه دها کلشیدی . اوملت ده حرب ایتمش ؛ پک بویوک رخنه لره اوغرا مشدی . صوکر عقالسی طوبالاندیلر ؛ نه یابهیم ، شو مصیبتدن یاقه نی نصل قورتارهلم ؛ دیبه

ینه عینی انکلیز طوتیور ، مجوسیلری قیزدیروب جامعلره طوموز قفاسی آتدیریور . بویله ، بویله مجوسیلری مسلمانلره ، مسلمانلری مجوسیلره طوتوشدیریور . صوکر یوق یره بربرمنزه دشمن کسپلن هرایکی طرف حکومت ، یعنی انکلتزه مراجعت ایدیور ؛ اوده قوشوب مجوسینک ده حقندن کلیر ، مسلمانک ده ؛ بر آزالق شی . دیکلی افغان امیری حبیب الله خان هندستانه کیتمش ؛ حالی کوردکدن صوکره مسلمانلره دیمش که : — یا هو ؛ نه یاییورسکیز ؛ قربان ... اوت ، حنفیلرجه واجب . فقط مطلق اوکوزمی اولمق لازم ؛ کچی ، دوه قویون کسسه کز اولمازمی ؛ نه یه بویله بودالاق ایدوب ده انکلیزلرک اکرکنه یاغ سوریورسکیز ؛ امیر مجوسیلر ده کیتمش ، ایشک ایچ یوزنی آکلایمش . بردرجه یه قدر ایکی فرقه نک آره سنی بولمش . چینه کیت . اوراده ده عینی ؛ نه دن ؛ هپ جهل یوزندن . هیچ باشقه برشیدن دکل . چونکه نصرانیت علم ایله پابدار اولمز ؛ مسلمانلرک ایسه جهل ایله بقا بوله ماز . اوله در : خرسیتیانلرک علمه قاشی یوزی یوقدر ، تحملی یوقدر ؛ مسلمانلرک ده جهالته ، قابل دکل ، دایانه ماز . هپمز بیلورزکه ، مسلمانلرک عصر سعاده یاقین اولان زمانلرندک شرف ، شان ، شوکت آله بیلدیکنه مترقی ایدی . او زمان علمجه ، فنجه ، اوقدر ایلریده ایدک که جاهل فرنگلر تحصیل ایچون تا اوروپا . ن قالقوب بغداد کلیرلر ؛ علمای اسلامدن درس آلیرلردی . اندلس مدرسه لرندک برچوق قرالار ، برچوق پاپاسلر و قتیله اوقومشلردی . اوله در ، دارالعرفان ایدی اوراسی . صوکر جهالت یاواش یاواش تعمم ایتدی . نهایت ، بزده بو حاله کلدک ؛ اکر ال برلکیله بوجهالتک ازاله سنه چالیشمازسه ق ؛ محومر محقق در . یوقسه یارم تدبیرلره ایش بیتمز . حضرت مولانا ک شویله بر حکایه سی وار : فقیرک برینک خراب راوی وارمش ؛ چولوغی ، چوجوغنی اونک ایچنده باریندیررمش . آدامجغز هر صباح ایشته کیدرکن اوه دیرمش که : ای اسکی بوردم ، صاقین بکا خبر ویرمدهن بیقیلوب ده چولوغمی چوجوغمی محو ایتمه یه سک ؛ برکون کلیر ، باقار که او بیقیلمش ، اوچ چوجوغنی ده آزمش . بیقیق یوردک خرابه لری اوزرینه چیقار ، بایقوش کبی اوتمه یه باشلار : — بکا خبر ویرمدهن نه یه بیقیلدکده ، خانمانی سوندردک ؛ بن سکا هر صباح یالوارم امشیمد ؛ بوقدر وفاسزلق اولورمی ؟

اوده اوکا دیرکه : — بی آزارلامه ، بن ، سکا شیمدی یه قدر بیکلرجه کره بو عاقبتی اکلاندم . بنم آرتیق آیاقده دوره جق حالم قالمادی ، دیمک ایسته دم . لکن نه وقت آغز می آچدمسه سن همان بر آووج چامور طیقاد . دیوارلر مده کی چاتلاقلر هپ برر لسان ایدی . فقط بر درلو حقیقی آکلانه مدی . بی حمله بر اقدک که سکا حالمی سویله ییم !

ایسته بزم هیئت اجتماعیه من ، بنیان حکومت مزده بویله در . نره سی چاتلادیسه یامامایه باقدق ؛ بر آووج چامور طیقادق ؛ اساسه ، تمه هیچ باقدق . نهایت برکون کلدی که : آکسزین بیقیلدی . تشکر اولور که

مفید اوله بیلیردی؛ فقط آرتق بوکون مضر در . سزك مسلمانلغ کزده بویه . بوندن بیک اوچیوز سنه اول ایشه یارایه بیلیردی؛ فقط بوکون مانع ترقی در ...

بوکاجواب چوق: اوت، سزك نصرانیتم کز حقیقه مانع ترقیدر . نته کیم سز خرستیانلغه وداع ایتهدن ترقی ایدمه مدیکز . بزیسه عکسنه: مسلمانلغه وداع ایتدکدن صوکرآ تدنی به باشلادق . کیت کیده بو کونکی حاله کلدک .

مسلمانلغ احکامی فطرتک احکامی در . هیچ دیکشمز . فکر بشرک ترقیسی عالم فطرتده یکی برچوق حقیقتلر بولدینی کی عینی ترقی ایله دین محمدی ایچنده یکی یکی برچوق ایجه لکلر کورولور، اکلاشیلیر . نه ایله کورولور ، نه ایله اکلاشیلیر ؟ علم ایله ، عرفان ایله . بوتون اجتماعون آریورلر ، طارایورلر ، بزم انحطاطمزی ، انقراضمزی هپ عرفانلرغمزده ، علم سز لکمزده بولیورلر .

بونک ایچون آرتق یاپه جق شی : نفاقلره ، شقاقلره خاتمه ویرمک ، ال برلکیله چالیشمق در . اولادیمزه اول برمسلمان تربیه سی ویرملی؛ صوکرده عصرک علوم نافعه سنی ، فنون صحیحه سنی اوکرتملی یز . هم تربیه یه عالمه لردن باشلاملی یز ، بونک ایچونده اول کندی میز تربیه ایتلی یز . بربرمزه قارش مناسبتسز حرکاتی ، غلطی ، خشونت بر اقلی یز . عیاش بر حرفک خلقی مشروبات کثولیه دن منع ایتسی ، هوساتندن واز کیمه یین برواعظک خلقی تقوایه دعوت ایتسی نه قدر کولونج اولور ، نه قدر مسخره اولور ! اول کندی میز تربیه اولملی یز، صوکرده اولادیمزه دین حقنده بر فکر صحیح ویرمک اوکرتملی یز . نته کیم بزدن یوزسنه اول عینی عاقبتی کچیرن ملت او قومق سایه سنده بوکون بوتون سیاسیات عالمه حاکم اولدی .

مسلمانلق بزه دنیا ایچون بر حیات طیبه وعد ایدییوردی . نه یه ویرمدی ؟ ایشته هپ بزم جهالت یوزندن . شیمدی یه قدر بربرمزی آکلما دق، حالده آکلایه میورز . ایشته بو حال، شومنجوس فلاکتی باشمزه کتیردی . چونکه مسلمانلرک هپسی جاهل : عربی جاهل ، تورکی جاهل ، کردی جاهل ، آرنایوردی جائل ... هپسی جاهل . هپمز اغوا آتیه قابیلیورز . عصرلر کچدی بز حالا بر آرایه کلوبده برایش کوره مدک . بالعکس آری آری حرکت ایدرک مملکتک هر طرفنده شورشلر ، فسادلر چیقاردق . حکومت ، اردو بو فتنه لری باصدیرمقله یورولدی ، بی تاب دوشدی . حریفلرده بینمزه پیندیلر . دوناما ایچون هرکس باغیردی : بر ، ایکی کی آله لم . آلمازسه ق بالقان حکومتلری اتفاق ایدمه جکلر . بر قاج کمی بو اتفاقه مانع اولور . یونانیلر اولسون اتفاقه کیره مز ...

آدام سن ده ! دیدک؛ هیچ بلغارلر یونانیلرله بربره کلیرمی ؟ اوت سزک منطقکه باقارسه ق کله مک ایجاب ایدمه جک ... لکن کلدی ! هم بو کلیشدن بوتون عالم اسلامک باشنه بو قدر فلاکت کلدی . احوال دن هر کیمه شکایت ایتسه ک ؛ جواب حاضر نه آه بن نه یاپه بیلیرم؟

مشاوره ایتدیلر . حکما سی، سیاسیونی، اجتماعیونی... هریری برر فکر درمیان ایتدی . کیمیسی : دول معظمه دن برینک حمایه سنه کیره لم ، کیمیسی : اتفاق یاپه لم ، کیمیسی اردومزی اصلاح ایدمه ؛ کیمیسی تجارت بحریه مزی ایلری کوتورده لم . دیدی . ایچلرنده اختیار بر آدم واردی . سوز اوکا کلدی . سن نه دیرسک ؟ دیدیلر . « محله مکتبلری یاپه لم ! » دیدی . حضار کولدیلر . هی سرسم ، محله مکتبلری می بوفلاکته چاره بوله جق ؟ !.. دییه اکلندیلر . فقط او آدم سویدیکسی سوزی بیلهرک ، دوشونه رک سویده مش اولدینی ایچون قالقوب مقصدنی ایضاح ایتدی : افرادی آرسنده معارف ابتدائی تعمیم ایتمین ملتک نه اردو . سی ، نه دوناماسی ، نه تجارتی ، نه ثروتی اوله مایه جغنی ساعتلرجه آکلاندی . فکری ده قبول ایتدیردی . چونکه باشلرینه کلن فلاکت مغلوبیتک ، صرف کندی تربیه علمی لرینک ، کندی عرفانلرینک قارشولرنده کی دشمندن ده اشاغی بر سونده اولماسندن نشأت ایتدیکنی دلائیل کوستردی . بونک اوزرینه ال برلکیله چالیشدیلر . بو کونکی المانیا میدانه کلدی .

معارف ، معارف ! ... بزم ایچون باقیه چاره یوق ؛ اگر یاشامق ایسترسه ک هر شیدن اول معارفه صایلملی یز . دنیاده معارفه ، دینده معارفه ، آخرتده معارفه ... هپسی ، هرشی معارفه قائم . بزم دینک جهالتیه تحملی یوق ، جاهلر الله کچنجه محو اولور .

قرآنده ، حدیث پیغمبریده نامتناهی حقایق وار . اونلر فصل میدانه چیقار ؟ علمله ، عرفانله . بوندن اوج ، درت یوز سنه اول حقیقه آکلایشله میان آیات جلیله دن بوکون نامتناهی حکمتلر ظهور ایدیور . نه قدر مجهول حقایق بوکون انکشاف ایدیور . اگر قرآن شو کوردیکمز ملتک برینک الله اولسهیدی ؛ کوروردیکز نه حقایق چیقاریرلردی ؛ بوتون دنیای مسلمان یاپارلردی . کندی باطل ، محرف دینلری نشر ایچون فصل چالیشیورلر . صوکرآ بزنه یاپورز ؛ اونلرک نصرانی ، انجیلی مدافعه ایچون ، تروج ایچون صرف ایتدکلری همتک اوند بری بزمصرف ایتسه ک بوکون مسلمانلر بو حالده قالمزدی .

بز ، « مسلمانلق » دینجه دینک شکل صحیحنی ، دوراصحابده کی شکلی قصد ایدیورز . شو جهان مدیت ، براقلم پیغمبری ، عجبا ابوبکر کی ، عجبا عمر کی ، عجبا عثمان ، علی کی ، یاخود دیگر اصحاب کرام کی آدم یتشدیردی ؟ یتشدیرمیلیدی ؟ پک اعلا . اونلر اوسیاستی نروده اوکرنیلر ؟ قبل الاسلام هپسی جهالت ایچنده ایدیلر . دنیانک هجری برکوشه سنده اوطوری یورلردی . انلری دین اسلام تربیه ایتدی . اوت ، دین اسلام ، دین اسلامک شکل صحیحی . بوکون دینک شکل صحیحنه رجوع فصل اولور ؟ اوت ، اوده معارفه ، علمله اولور . جهالتله اولماز .

برطاقلری دیورکه : برزمان دینلر ایش کوره بیلیردی ؛ مثلاً نصرانیت ، بوندن بیک ، ایکی بیک سنه اول انسانیت ایچون بلنکه

(لا یكلف الله نفساً الا وسعها) بن دینک او امرینه اطاعت ایدیورم . نمازی قلیورم . استغفار ... بول بول . زکات ... اونی ده ایشته حیلہ شرعیہ ایله فلان یولنه قویلق . حج ... واقعا کیده مدم ، فقط بزم سقانی بدل کوندردم . کتیدی ، کلدی . الله قبول ایتسین . اؤک قابیسنی کچن کون یشیله بویاتم . وقم اولدقجه مسلمانلرک حالنه آجیورم . نه قدر بویله ایمش . اولوملی دنیا ...

ایشته بزم صوفیلر بویله سویله یور . بو طوغرومی ؟ هایدی اولوملی دنیا بویله کیده جک ، یا آخرتده نه اوله جق ؟ « البت بو صیقتیلرک مکافاتنی کوره جکیز ، یعنی جنته کیده جکیز . » بلکه . فقط الله بویله سویله میور ، قرآن بویله برشیدن خبر ویرمیور ، هله حدیث هیچ بویله دیمیور .

(ام حسبتم ان تدخلوا الجنة ولما يعلم الله الذين جاهدوا منكم ويعلم الصابرين) جناب حق سزنی صبی امتحانلره چکمدکجه ، سزده صبر وثبات کوسبرمدکجه جنته کیررزمی ظن ایدیورسکیز ؟ یا کلیش . سوکرا حضرت پیغمبر صلی الله علیه وسلم بیوردی که : (لن تدخلوا الجنة حتى تؤمنوا ولن تؤمنوا حتى تحابوا) « ایمان اولمادقجه جنته کیره مزسکیز ... » معلوم . فقط الت طرفی وار : « بربرکزی سومدکجه ده مؤمن اوله مازسکیز . » لیکن بن بتون مسلمانلری سویورم . قلبمده دین قاردلریمه قارشنی هیچ بغض ، نفرت یوق . انی اما محبت ، شفقت کی شیر هب امور باطنیه دندر . وجودینه حکم اولنق ایچون خارجه ده آناری ، تجلیاتی کورولمک لازم . یالکز حسیات قلبیه کافی اولسه یدی ، جناب حق بونمازلری ، بو اوروجلری ، بوعبادتلی امر ایتمزدی . قلباً بنی طانییک ، بوقدر کافی ! دیردی . حالبوکه بویله دکل . الله بیله احوال قلبیه مزنی ، احوال وجدانیه مزنی خارجی اشکال ایله کورمک ایسته یور .. او الله که عالم السر والحقیات در .

نقل ایتدیکمز حدیث شریف کوستریور که : بز مسلمانلر اخوان دینغزی سومزسه ک ایمانمز تام اولماز . ایمانمز تام اولما یجده جنت یوق ! دیمک دنیا اولمدینی کی ، آخرت ده یوق . هم بوراده خسران ، هم اوراده خسران . ایشته نعوذ بالله خسران مین بودر .

مسلمانلر بویله متفرق می یا شایه جقلردی ؟ (انما المؤمنون اخوة) هانی مؤمنلر قارداش ایدی ؟ هانی مسلمانلر خصمه قارشنی بنیان مرصوص اوله جقلردی ؟ علیه الصلاة والسلام افدمز بویوریو که : « دنیاده کی مسلمانلرک هپسی بروجودک اعضای مختلفه سی کی در . برینه برالم اصابت ایتدیمی ، دیکرلری ده دویه جقلر . » علیه الصلاة والسلام افدمز : « دنیانک او بر او جنده کی بر مسلمانه دیکن باتسه بن اونک آجیسنی قلبمده دویارم . » بویوریور .

ایشته دین اسلام نظرنده مدنیت بو ، باشقه دکل . بز جهالتمز یوزندن دینی بو حاله کتیردک . دین ده بزنی بو حاله کتیردی . اسلام بر دین مسکنت اولدی .

قشاعتی ، توکل ، صبری ... هپسنی یا کلش اولدق . سیرت

رسولی ، سیرت اصحابی کوزتمز اولدق . اصحاب کرام نصل چالشیورلردی ؟ اعلائی دین ایچون نه قدر مجاهده ده بولونیورلردی ؟ حضرت عمرک اسلامده کی موقعی معلوم : ایکنجی خلیفه . حضرت پیغمبرک اوقدر التقاتنه مظهر اولمش که : « بندن سوکرا پیغمبرک لسه یدی عمرک لیردی » بیورمشلر . ایشته او حضرت برکون مدینه ده دولاشیرکن باقش : بر آدم یرتیق یرتیق البسه ایچنده ، بونی بر طرفه بوکش ، سوکلوم بوکلوم طور بیور . هان قامچی بری حریفک اوموزینه ایندیرمش ؛ دیمش که : (لآمت علینا دیننا امانک الله) « مسکین حریف ! بزم دینغزی بویله اولو شکله قویمه ، الله سنی قهر ایتسون . » بو دین ، دین مسکنت دکل ، دین ضرورت دکل ، دین فقر دکل .

هله توکل ... هیچ بزم اولدیغمز ماهیتده می ؟ توکل ، قرآنک کوستردیکی ، حدیثک کوستردیکی توکل ، بوتون اسبابه صاریلدقن سوکرا اولان توکل در . نه کوزلدر سعدینک شو حکایه سی :

آدمجیزک بری کیجه نی قیرده کچیرمک مجبوریتده قالمش . لیکن یرتیجی حیوانلردن قورقدینی ایچون بویوک بر آغاجه چیقمش . باقش . آغاجک دینده کوتوروم برتیلکی یاتیور . بوسقط تیلکی عجبانه بیور ، نه ایچیر ؟ دیه مراق ایتش . بر آراق اوزاقدن بر ارسلان کوزوکش . اغزنده برده چقال وارمش . آرسلان آغاجک دینه کلش ، چقالی پارچه لامش ؛ بیه جکی قدریمش ، صاووشمش . دیرکن ، تیلکی ده سورونه سورونه کیتمش ، چقالک بقیه وجودنی یمش ؛ اینه چکیلمش .

یا ، دیمک که جناب حق عمل مانده بر مخلوقک بیله رزقنی آیاغه کوندیریور . ایشته کوتوروم بر تیلکی ! فقط ینه آج قالما یور . اوله ایسه بن ده آرتیق اورایه بورایه باش اورمقدنسه بر کوشه به چکیلوب متوکل اوله یم ... حریف اغاجدن اینر ، براز کیدر ، یولک اوزرنده بر مغاره بولور . ایچنه کیرر . برکون بکلر ، ایکی کون بکلر ، کلن کیدن یوق .

اوچنجی کون آچلق ییچاره نک ایلکینه ، طامارینه قدر ایشله مش ؛ بی تاب دوشمش ، او یومش . رؤیا سنده بری کلش ؛ دیمش که : — ای بودالا ، قالق ! نه یاتیورسک ؟ وجودک صاب صاغلام ایکن بو مسکنت نه ؟ ناصیل اولیورده کندیکی سقط بر تلکی منزله سینه ایندیریورسک ؟ کیت ارسلان اولده بقیه شکارکده باشقه لری کچنسون ! سوکرا یا کلش اولدیغمز حقایقن بری ده : صبر . بز ظن ایدیورز که صبر مذله تحمل در . حالبوکه صبر ، قاتلانق دکل ، شداند حیاته کوکس کرمک در . (یا ایها الذین امنوا اصبروا وصابروا وابطوا واتقوا الله لعلکم تفلحون) صبر ایدیکنز ، همده صبرده دشمنلرک زله مسابقه ایدکنز ، اونلردن فضله شدانده کوکس کریکنز .

قرآنک بو حقایقنی نه ایله اکلایه جغز ؟ علم ایله ، عرفان ایله . بز آ کلامدن کیدیورز . باری چوجقلرمز آ کلاسون . دیمک فلاکت حاضره نک اسبابنی تفرقه ده بولدق . تفرقه نک اساسی ایسه جهالت ایمش .

ای جماعت مسلمین ! بیلیورسکیز که : بوکون حرب وار ، حال

خرجوا من ديارهم وهم الوف حذر الموت...»، «وقاتلوا في سبيل الله...»
آیت کریمه لریدر. برنجی آیتده امكانك صوك نقطه سته قدر مملكتلرینی
مدافعه ایتیمهرك براقوب قاچان قورقاقلرك نه مدھش بر فلاکتہ معروض
قالا جقاری، نه قدر فجح بر صورتده حق حیاتدن محروم ایدیلہ جکلری
بك قطعی برافاده، غایت مؤثر براسلوب ایله ایضاح ایدلدکن صوکره
ایکنجی آیت ایله ده بویله بر فلاکت الیمیه دوشمه مک ایچون دشمن
ایله مردانه بر صورتده محاربه و مجاهده ایدلسی، طوغری دن طوغری به
امر ایدیلور.

فقط یالکز محاربه و مجاهده نی امر ایتکه ایش بیتمش اوله.
بیلیرمی ایدی؟ قطعاً. چونکه محاربه ایتک ایچون ایجابات عصره
کوره جیخانه، مهمات حربیه، البسه... لازمدر. بونلر ایسه
مطلقاً پارهیه محتاجدر. کرك اقوام بدویه، کرك دول مدنیه؛ بونلرك
هر بریسی یاشامق، ناموسنی، شرف و حیثیتنی مدافعه و محافظه ایده
بیلیمک ایچون قوتلی بولمغه، قوتلی بولمق ایچون ده هر حالده پارهیه
محتاجدر. ایسته بونک ایچوندرکه: حکیم ذوالجلال حضرتلری اولکی
آیتلره «دین»، «ی»، «وطن» ی محافظه ایچون محاربه و مجاهده
ضروری اولدیغنی بیان ایتدکن صوکره «من ذا الذی...» آیت
کریمه سیله ده بک مؤثر براسلوب ایله قوللرینی پاره و یرمهیه تشویق ایدیلور.
آیتک بو صورتله ورودی «اقراض» کلمه سندن مقصود اولان معنا
مطلقاً خیره اتفاق اولیوب آنجق، دینی، وطنی مدافعه و محافظه ایچون
ویریلن پاره لر اولدیغنی پک رعنا بر صورتده ایضاح ایتمش اولیور.

هم نه حاجت! امام فخرالدین رازی حضرتلری «اقراض» دن
مراد بالخاصه محاربه و مجاهده ایچون ویریلن پاره اولدیغنی تصریح
ایتدیکی کبی عمر بن الخطاب دن منقول اولان بر تفسیره، علامه
زمخشرینک بیسانه کورده «قرض حسن» دینی، وطنی مدافعه
و محافظه ایچون ویریلن پاره اولدیغنی تصریح ایدیلورمی؟

بناءً علیه جناب حق، بو آیت کریمه ایله محاربه ده موقیاتی تأمین، دینی،
وطنی دشمنک تجاوز آتندن صیانت ایتک پارهیه متوقف اولدیغنی بزلره
بك واضح بر صورتده بیلدیرمش اولیور. هم ده اوله براسلوب
ایله بیلدیرسیورکه: ایماندن ذره قدر نصیبی اولانلر بونک هیئتدن
هیچانه کلهرک همتلری حرکت ایتمه مک ممکن دکدر؛ بوقانون ازلینک
تضمن ایتمش اولدیغنی حکم الیمیه نی اکلادقن صوکره آئنده،
آووچنده بولان مال و املاکنی دین، وطن اوغورنده فدا ایتمه مک
ایچون انسان مطلقاً درکه حیوانیتدن ده دون بر مرتبه ده اولمی در.
چونکه تفصیلات آنه دن مستبان اولدیغنی وجهله بو آیتدن مقصد الهمی
محاربه ده دشمنه غالب کله بیلیمک، دینی، وطنی قورتارمق ایچون مالاً
فدا کارلرده بولمق لازم اولدیغنی اکلاتمق اولدیغنی حالده بونی طوغری دن
طوغری به اتفاق امر ایدن «یا ایها الذین آمنوا انفقوا...»، «وانفقوا
فی سبیل الله...»، «مثل الذین ینفقون...»، کبی اوامر الهمیه ایله
تبلیغ ایتیلورده ده مؤثر براسلوب ایله بیلدیرسیورکه اوده «اقراض» تعبیری در.

حربده یز، قرنداشلرمن، اولادلرمن دشمن قارشوسنده جان فدا
ایدیلورلر. حکومتک مضایقه سی ایسه معلوم. هر کس الدن کلدیکی
قدر فازیلریمزه معاونتده بولونملی. زنکینلر چوق ویرمه کیه مادی.
فقرا آز ویرمکدن صیقلدی... اونک ایچون شیمدی به قدر هیچ
برشی اولمادی. اعانه یه آز چوق هر کس اشتراک ایتلی در. اون پاره ده
ویریلیر، اون غروشده ویریلیر، اون لیراده ویریلیر. هیچ کیمسه
دریغ ایتسون. ناموس اسلامی محافظه ایتک ایچون هر کس اتندن
کلن فدا کارننی بایسون. طوره جق دوشونه جک زمانده دکلز.

اللهم انصر الاسلام والمسلمين، الله انصر الاسلام والمسلمين،
اللهم انصر الاسلام والمسلمين. اللهم فرق جمع الكافرين. اللهم افرغ
علينا صبراً وثبت اقدامنا وانصرنا على القوم الكافرين.

نَفْسِي شَرِيفٌ

بِسْمِ اللَّهِ الرَّحْمَنِ الرَّحِيمِ

من ذا الذي يقرض الله قرضاً حسناً فيضاعفه له اضعافاً كثيرة
والله يقبض ويبسط واليه ترجعون.

ترجمه سی

کیم در او آدم که : سوه سوه اللهه اودونج ویرسونده
اللهه اوکا قات قات فضله سنی ویرسون؟ الله هم قیصار،
هم ده بول بول باغشلار؛ ذاتاً دونه جککز یرده آنجق اودر.

اقراض لفة اودونج ویرمکدر؛ بوراده ایسه اتفاق معناسنه،
بالخاصه مجاهده و محاربه ایچون صرف ایدلک اوزره ویریلن پاره اولدیغنی اجله
مفسرین دن فخرالدین رازی تصریح ایتکده در. «قرض حسن» حلالدن
کندی رضاسیله سوه سوه ویرمک معناسنه کلدیکی کبی؛ دین، وطن
اوغورنده صرف ایدیلن پاره اولدیغنی ده مفسرینک اک بیوکلری تصریح
ایتکده درلر.

آیت کریمه سوره بقره یه منسوبدر. انسان برکره بو نص جلیلک
احتوا ایتدیکی معانی دقیقه نی تأمل ایدرسه نه بیوک بر حقیقتی تضمن
ایتدیکنی بونکله برابر قرآن کریمک نه علوی بر دستور اجتماعی
اولدیغنی اکلایمده قطعاً کوجلک چکمز. بوقانون الهمی نک تضمن ایتمش
اولدیغنی حقیقت قطعیه نی مهما ممکن افاده ایده بیلیمک ایچون آیت
کریمه مک نه کبی بر موقعده ذکر ایدلدیکنی بیان ایتک کافیدر. اوت،
بوندن اول ایکی آیت ده ذکر ایدیلورکه اولنرده : «الم تر الى الذین